



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, primilo je k znanju

Informaciju u vezi sa primjenom Zakona o komunalnim taksama Kantona Sarajevo

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
U VEZI SA PRIMJENOM ZAKONA O KOMUNALNIM TAKSAMAMA
KANTONA SARAJEVO

Predlagač: Gradonačelnica
Obrađivač: Stručna služba za poslove kabineta
i poslove Gradske uprave

Sarajevo, maj 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija u vezi sa primjenom Zakona o komunalnim taksama Kantona Sarajevo

Stupanjem na snagu Zakona o komunalnim taksama Kantona Sarajevo („Službene novine Kantona Sarajevo“, broj 8/22), Općinska vijeća općina Kantona Sarajevo bila su dužna u roku od 30 dan od dana stupanja na snagu ovog zakona donijeti odluku kojom se utvrđuje kriterij i vrsta takse za obveznike koji su registrovani i/ili posluju na području općine, a sve u skladu sa članom 6. citiranog Zakona. Donošenje predmetnih odluka podrazumijeva poštivanje i postupanje shodno odredbama Zakona, a što se odnosi i na primjenu i postupanje shodno odredbi člana 5. stav (2) i stav (3) Zakona, kojim općine koje čine Grad Sarajevo i Grad Sarajevo dijele prihode od taksi na način da se posebnim sporazumom utvrditi raspodjela prihoda po osnovu taksi

Na prijedlog Kolegija Gradskog vijeća, Gradsko vijeće Grada Sarajeva na svoj 15. sjednici, održanoj dana 27.04.2022. godine, usvojilo je sljedeći zaključak:

- Gradsko vijeće upućuje gradonačelnicu da intenzivno nastavi započete aktivnosti s ciljem da se, u skladu sa članom 5. Zakona o komunalnim taksama Kantona Sarajevo, usaglasi i potpiše Sporazum između Grada Sarajeva i gradskih općina o raspodjeli prihoda koji se prikupljaju od komunalnih taksi na području grada Sarajeva.
- Gradsko vijeće zadužuje i daje punu podršku gradonačelnici da poduzme sve što je potrebno u okviru nadležnosti Grada Sarajeva, koristeći i autoritet gradonačelnice, da gradske općine izvrše izmjene već donesenih odluka o komunalnim taksama suprotnih navedenim zakonskim odredbama, ako je potrebno i podnošenjem zahtjeva Ustavnom sudu FBiH za ocjenu ustavnosti takvih odluka, uz prethodno upoznavanje gradskih općina s ovom namjerom.
- Gradsko vijeće zadužuje gradonačelnicu da o procesima koje vodi i koje će voditi s ciljem ostvarivanja zakonom utvrđenog prava Grada Sarajeva na dio prihoda od komunalnih taksi, svakog mjeseca informira Gradsko vijeće.“

Shodno navedenom zaključku, gradonačelnica Grada Sarajeva nastavila je sa započetim aktivnostima na dosljednoj primjeni Zakona o komunalnim taksama Kantona Sarajevo („Službene novine Kantona Sarajevo“, broj 8/22), te postupanju u skladu sa odredbama člana 5. stav (2) i stav (3) navedenog Zakona.

S tim u vezi, dana 07.12.2023. godine između Grada Sarajeva i Općine Stari Grad Sarajevo potpisan je Sporazum o realizaciji aktivnosti propisanih Zakonom o komunalnim taksama Kantona Sarajevo kojim su regulisana međusobna prava i obaveze u vezi sa realizacijom prethodnih radnji i aktivnosti neophodnih za raspodjelu taksi prikupljenih po osnovu Zakona o komunalnim taksama Kantona Sarajevo („Službene novine Kantona Sarajevo“, broj 8/22).

U cilju realizacije gore navedenog Sporazuma, dana 15.02.2024. godine između Grada Sarajeva i Općine Stari Grad Sarajevo potpisan je Sporazum o načinu raspodjele prihoda ostvarenih plaćanjem komunalnih taksi Općine prikupljenih po osnovu Zakona o komunalnim taksama Kantona Sarajevo („Službene novine Kantona Sarajevo“, broj 8/22) i Odluke o visini komunalnih taksi Općine Stari Grad Sarajevo („Službene novine Kantona Sarajevo“, br. 15/22, 19/22 i 1/24).

U skladu s naprijed navedenim, a u vezi sa primjenom Zakona o komunalnim taksama Kantona Sarajevo, odnosno postupanju shodno odredbi člana 5. stav (2) i stav (3) Zakona, kojim općine koje čine Grad Sarajevo i Grad Sarajevo dijele prihode od taksu na način da će se posebnim sporazumom utvrditi raspodjela prihoda po osnovu taksu, a kako je to učinjeno sa Općinom Stari Grad Sarajevo, te obzirom da do sada preostale tri jedinice lokalne samouprave (Općina Centar Sarajevo, Općina Novo Sarajevo i Općina Novi Grad Sarajevo) nisu iskazale interes za potpisivanje sporazuma, bit će upućen dopis da izvrše izmjene već donesenih odluka o komunalnim taksama suprotnih navedenim zakonskim odredbama, o čemu će Gradsko vijeće Grada Sarajeva biti blagovremeno informirano.